

北洋官報

錄目

宮門抄
 上諭
 交旨
 奏議○貴冑法政學堂奏酌擬變通課程摺
 公體○督憲札一件△清河縣稟一件△晉撫咨一件
 文告三則△電報五則△新聞十則
 彙編○彙摘江蘇諮議局議案
 圖畫○中和殿正面圖

本局報今日加印照片一頁
 本局報第一百十八期法政學報已出

宮門抄

十月十一日 法部大理院 廂紅旗值日 直隸總督端方請 訓 貴州藩司沈瑜慶請
 貝勒等謝 賞加級 恩 榮中堂等謝 賞加級 恩 阿霖得 賞廢生謝 恩 訓
 成都將軍玉崑謝 恩 新授涼州副都統恩志謝 賞加級 恩 英信假滿請 安 廣公 祥普各請假

十月十二日 農工商部 郵傳部 正藍旗值日 外務部引 恩 見八名 吏部引 見三名 陸軍部
 引 見十六名 廂黃漢引 見四名 禮王等謝加級 恩 新授廂藍蒙副都統福海謝 恩
 烏里雅蘇台奏贊大臣奎煥到京請 安 陳寶琛請假兩個月 恩 吏部奏 孝欽顯皇后初周年請 恩

朱彭壽 黃均隆 楊士琦 李焜瀛 派大臣行禮 忠廉 許受衡 增善 錫鈞 李士鈐 恒安 徐坊
 郭曾炳 德宗景皇帝初周年請 魏聯奎 熙彥 徐世昌 恩 順 陳田 王式通 文煦 許澤新 陳宗燾
 諷 陳壽彭 陸軍部奏 卓凌阿 岳樑 又奏 德宗景皇帝初周年禮 派大臣行禮 派 李殿林 全福
 吉陞 祥年 明啓 魏聯奎 熙彥 徐世昌 恩 順 陳田 王式通 文煦 許澤新 陳宗燾
 秦綏章 文泰 廣綺 溥倬 芬車 瑞啓 馮國璋 德宗景皇帝初周年禮 派大臣行禮 派 李殿林 全福
 煥 福海 外務部遞封奏二件 甘大璋遞封奏一件 訥欽泰 現揆白風毛一套 派大臣行禮 召見軍機 奎

十月十三日 法部大理院 廂紅旗值日 直隸總督端方請 訓 貴州藩司沈瑜慶請
 貝勒等謝 賞加級 恩 榮中堂等謝 賞加級 恩 阿霖得 賞廢生謝 恩 訓
 成都將軍玉崑謝 恩 新授涼州副都統恩志謝 賞加級 恩 英信假滿請 安 廣公 祥普各請假

諭

十月十一日內閣奉

旨廂藍旗蒙古副都統著福海補授欽此
上諭吏部陸軍部奏遵議總兵司員處分一摺馬蘭鎮總兵恩霖內務府郎中文蔭均著照部議即行革職欽此

上諭馬蘭鎮總兵兼管內務府大臣著者齡補授欽此

上諭吏部奏遵議大員處分一摺直隸總督端方著照部議即行革職欽此

上諭直隸總督兼北洋大臣著陳夔龍調補未到任以前著崔永安暫行護理欽此

上諭湖廣總督著瑞澂署理江蘇巡撫著寶棻調補丁寶銓著補授山西巡撫欽此

上諭山東巡撫著孫寶琦補授欽此

以上 諭旨七則昨日已印單張隨報附送恐有遺漏茲復補錄報端

上諭此次驗放陸軍部游學畢業生考列優等之王風清長青丁慕韓孫國英沈同午張榮光胡謙楊廷溥林肇民

陳乾車駕龍穆恩堂劉宗紀景斌紹祺朱啓舜馮衡均著賞給陸軍步兵科舉人並授副軍校張炳標楊志澄吳

和宜殷承瓏林文瑛均著賞給陸軍工兵科舉人並授副軍校李鐸張翼鵬張鳳翽汪鎬基均著賞給陸軍馬兵

科舉人並授副軍校朱綬光簡業敬得全溫壽泉蘇渙圖葉秉甲童錫良陳時彥史秉直均著賞給陸軍砲兵科

舉人並授副軍校考列上等之萬德尊王肇基厲爾康歐陽武鍾體乾秉鈺黃國樛印榮志元官其彬張華輔陳

晉楊邦藩何成濬周駿陳強劉祖武梁廣謙孔昭度謝昭吳漢華劉存厚窩什圖覃鑿欽蒲鑑蔣蔭曾劉國棟李

孔嘉邱志龍榮官彭道成劉成梅焯敏譚瀛仇亮戈寶琛趙士槐何佩瑢楊文愷胡百鍊莫擎宇程子楷馬名驥

林爽蔣國經夏占奎鄭長垣葉成林石鐸閔錫山盧煥吳劍學尹昌衡謝武煒李萬祥黃金桂紀堪頤余英華孫

傳芳沈靖劉春臺石星川張瑜姚以价連城李致梁玉振楊曾蔚榮焜劉汝贊炳炎崇恭張一爵王兆翔王裕光

喬煦胡萬泰蔡紹忠潘志帖鄭開文梅馨張濟元高聲震李德瑚王璇李瑞瑞均著賞給陸軍步兵科舉人並授

協軍校李實茂揔恆懸譚學夔唐繼堯楊尚志陳元泳陳毅丁緒餘蕭奇斌王相楚春羣周蔭人涂永鍾鼎基韓

麟春李烈鈞孫永安秦覺顧祥麟馬林武滋榮高兆華李煥章葛光廷張國威杜俊哲筠劉虎臣田遜東王寶善

周宗祥楊祖謙張耀姚家振金榮藩著賞給陸軍砲兵科舉人並授協軍校韓鳳樓袁宗翰劉家倌陳其蔚梁心
田董紹祺禧光成炳榮危道豐徐家瑒王永泉余鶴松朱先志吳樂三陳宏壽劉洪基華世中李任羅煒均著賞
給陸軍工兵科舉人並授協軍校張鸚翎耿觀文許烈壇綏生李顯謨陳模羅虔王樹榕林仲塘傳鑫鄒致權盧
香亭張學鸞張九維金鳳巢張維清唐豸馬開崧錫現魏邦屏李衡歐陽幹劉法坤均著賞給陸軍馬兵科舉人

並授協軍校蕭祖康陳其善焦純禮江雋楊集祥徐定清劉乃勳吳炳元均著賞給陸軍輜重兵科舉人並授協軍校考列中等之梁訓勤徐朔杜濠張厚德均著賞給陸軍砲兵科舉人並以協軍校記名補用吳元鈞著賞給陸軍馬兵科舉人並以協軍校記名補用謝家琛著賞給陸軍輜重兵科舉人並以協軍校記名補用恩錫左全忠王隆中文文卿程經邦均著賞給陸軍步兵科舉人並以協軍校記名補用該部知道欽此

上諭本年湖北大水為災業經頒發帑銀飭令妥籌賑撫茲據陳夔龍電奏沔陽五州縣八月間襄水復漲田禾重遭淹浸受災奇重等語若將應征錢漕照常征收民力實有未逮加恩著照所請所有沔陽江陵公安石首監利五州縣應征本年錢糧漕米蘆課屯餉等項一律停征並著將光緒三十四年分原緩銀米遞緩一年征收其餘被災較輕各州縣仍飭屬勒查實收分數分別應征應緩奏明辦理該督卽刊刻謄黃徧行曉諭務使實惠均霑毋令吏胥舞弊用副朝廷軫念民艱至意該部知道欽此

十月十二日內閣奉

上諭山西布政使著志森補授王慶平著補授山西按察使浙江鹽運使著衡吉補授欽此

上諭奎煥著留京當差欽此

旨榮恩著賞給副都統銜作為烏里雅蘇台叅贊大臣照例馳驛前往欽此

交

旨

十月十二日 軍機大臣欽奉

諭旨本日吏部帶領引見之溥善丁振鐸張翼均著於本月十三日起每日一員預備召見欽此

諭旨內閣侍讀學士甘大璋奏川鹽產旺銷隘准鹽銷廣產缺宜變通引界以暢川銷而濟淮緇一摺著度支部妥議具奏欽此

奏議錄要

貴胄法政學堂總理奏酌擬變通課程繕單呈覽摺

奏為酌擬變通貴胄法政學堂以資遞進而期完密恭摺仰祈

聖鑒事竊奴才等前奉

諭旨派充貴胄法

政學堂總理監督蒞事以來遵就開辦各事宜體察情形悉心籌議查法政為專門之學非精研深造經歷歲時無由涉門徑而登堂奧原奏章程三十九條洪綱細目次第秩然自係再三斟酌第章程之釐訂固已周詳而學員之

程度未能悉合故原奏亦經聲明嗣後如有增訂學課變通章程之處應由奴才等奏明辦理現在學堂開辦報名日多惟定章宗室王公子弟入學意在強迫教育非由考取資格不齊其年幼者固難驟語以專門卽年長者亦未必不需乎豫備節經奴才等於 召見時詳細具奏並與原奏王大臣迭次籌商擬就原定課程酌量變通者約有數端謹分別陳之一正科宜增普通學年限也親貴就學期於大成肄業專門非普通各學預備已足無從入手擬改正科習普通學二年以期完備二聽講班宜增法政學年限也補習法政以大體貫徹爲主教授科目不厭求詳擬改聽講班習法政二年以資博習三正科宜修改法政學課程也普通年限已增原定法政課程中如國文論理學之類似可併入普通其他科目亦略有增損之處擬一律修改以臻妥洽四聽講班宜別加普通學課程也興學育才至近日始盛其業經從仕者大抵未入學堂居多自非普通略有門徑專門之學無從領略擬別加課程以收實效五宜附設豫備一科也宗支蕃衍幼學爲多培植人材初基必慎擬附設預備一科以爲年齡程度不能徑入正科者之預備至簡易科原定課程業已折衷至當應即悉仍其舊其正科聽講班及簡易科習法政畢業預備科習普通畢業者各照章給予畢業文憑若正科習普通二年聽講班習普通一年者給予修業文憑以示區別似此變通辦理庶幾先後有序本末相資以期仰副 朝廷興學教胄爲國儲材之至意謹將酌改課程繕列清單恭呈 御覽如蒙 俞允再由奴才等將職掌經費及分別修業畢業辦法酌擬章程續行具奏所有變通課程附設學科緣由理合恭摺具陳伏乞

皇上聖鑒訓示謹 奏宣統元年九月二十九日奉 旨已錄

謹將酌擬變通貴冑法政學堂課程繕具清單恭呈 御覽 正科普通學課程(二年畢業) 第一學年(每星期鐘點) 倫理(一) 國文(六) 經學(六) 歷史(四) 地理(三) 算學(三) 理化(二) 體操(二) 合計(二十二) 第二學年(每星期鐘點) 倫理(一) 國文(六) 經學(六) 外國文(五) 歷史(四) 地理(三) 算學(三) 理化(二) 體操(二) 合計(二十二) 第三學年(每星期鐘點) 倫理(一) 國文(六) 經學(六) 外國文(五) 歷史(四) 地理(三) 算學(三) 理化(二) 體操(二) 合計(二十二) 第四學年(每星期鐘點) 倫理(一) 國文(六) 經學(六) 外國文(五) 歷史(四) 地理(三) 算學(三) 理化(二) 體操(二) 合計(二十二)

政學課程(三年畢業) 第一學年(每星期鐘點) 倫理(一) 國朝掌故(二) 本國刑律(二) 法學通論(四) 憲法(三) 政治學(二) 政治史(二) 行政法(三) 刑法(二) 民法(三) 理財學(三) 財政

學(三) 體操(二) 合計(三十二) 第二學年(每星期鐘點) 倫理(一) 國朝掌故(二) 本國刑律(一)
 (二) 憲法(三) 行政法(三) 刑法(三) 民法(四) 商法(三) 國際公法(三) 國際私法(二) 理
 財學(二) 財政學(二) 體操(二) 合計(三十二) 第三學年(每星期鐘點) 倫理(一) 中國法制史
 (二) 外國法制史(二) 刑法(二) 民法(三) 商法(三) 國際公法(三) 國際私法(二) 外交史
 (三) 刑事訴訟法(二) 民事訴訟法(二) 統計學(三) 監獄學(二) 體操(二) 合計(三十二) 聽
 講班普通學課程(一年畢業) 第一學期(每星期鐘點) 倫理(一) 國文(十) 歷史(四) 地理(三)
 算學(三) 理化(二) 體操(一) 合計(二十四) 第二學期(每星期鐘點) 倫理(一) 國文(十) 歷
 史(四) 地理(三) 算學(二) 理化(一) 論理學(二) 體操(一) 合計(二十四) 聽講班法政學課
 程(二年畢業) 第一學年(每星期鐘點) 中外法制史(二) 法學通論(三) 憲法(三) 行政法(二)
 刑法(二) 民法(四) 商法(二) 國際公法(二) 國際私法(二) 政治學(二) 合計(二十四) 第二
 學年(每星期鐘點) 行政法(二) 刑法(三) 民法(三) 商法(二) 國際公法(二) 外交史(二) 理
 財學(三) 財政學(三) 民事訴訟法(二) 刑事訴訟法(二) 合計(二十四) 附設豫備科課程(二年
 畢業) 學科(每星期鐘點) 修身(二) 國文(十四) 歷史(四) 地理(三) 算學(三) 博物(二)
 圖畫(二) 體操(二) 合計(三十二)

公牘錄要

督憲端准郵傳部咨 駁中阮惟和派充京漢鐵路總辦札飭該局查照文

為札飭事宜 統元年九月二十二日准 郵傳部咨前准 籌辦海軍處王大臣電開京漢鐵路總辦鄭道清濂調
 充出洋隨員等因 當經飭令該道遵照前往聽候差遣 其總辦一差 亟應派員代理 以重路務 查有本部路政司郎
 中阮惟和 堪以派充 京漢鐵路總辦 除札委外 相應咨明 貴督查照可也 等因 到本大臣 准此 除分行外 合行札飭
 札到 即便查照 此札

清河縣梁令成哲稟警董張鳴宸等辦理警務著有成效請分別給獎文並批

敬稟者竊查卑縣地僅東西南三路北則距城不遠卽屬南宮縣界約計管轄三百餘村又係著名瘠區當時辦理警務事事草創風氣錮蔽籌款綦難使非有公正明幹之紳董相助爲理不易爲功無如近來紳董中遇事卽來不招卽至者類皆有所爲而然非真能任事也其辦事者大抵避嫌疑行素位而不肯猝至之人卷查清邑巡警於光緒三十年冬間自卑歷前縣開辦以來求其實心辦公者不可多得經訪得紳董張鳴宸等屬鄉黨自好之士品行純正素孚衆望因而再三招至該紳等亦關懷桑梓樂而幫助遂出而襄理一切始在城中設立總局繼復推廣三鄉分立八局八區盜賊斂跡閭閻安堵已不知幾費經營心力交瘁矣卑職於去秋抵任後留心察看該警董等洵屬在局辦事始終不懈惟蕞爾清邑局區設至八九處之多未免經費虛糜卑職除城中仍留總局並兼轄葛仙莊一區外三路改爲四局四區七巡所較之從前八局八區頓改舊觀成效頗著實亦該警董等羣策羣力所致業經稟明在案惟該警董等熱心公益任勞任怨於今三四年之久不支薪水各盡義務雖據稱不敢邀獎究未便沒其惻忱應請援照各州縣稟辦警務出力之紳董給獎成案酌量獎勵出自 逾格鴻施卑職爲鼓舞警務起見是否有當理合開具該警董等銜名清冊稟呈 大帥查核再卑縣警董係花翎四品銜法部主事張鳴宸五品銜監生實際雲均無可再行加獎可否將張鳴宸移獎其胞姪鹽大使銜監生張朝榮實際雲移獎其胞弟武生安慶安其餘廩貢生崔溥武生段順興均請酌量給獎以示鼓勵而昭激勸合併聲明肅此具稟恭請 勛安伏乞 垂鑒督憲端 批稟冊均悉仰警務處核議覆奪稟冊抄發此繳

晉撫寶咨覆農工商部查明王封礦公司歷年鍊售礦塊遵章收稅並列比較請查照核辦文

爲咨覆事據山西農工商局呈宣統元年六月二十九日蒙撫院札開宣統元年六月二十一日准 農工商部咨案查光緒三十三年本部奏定礦務正附章程業經刊印通行各省並將奏定施行日期咨行一體遵照辦理在案查此項章程經本部會同外務部詳細核定條理周密防閑限制均極精嚴將來礦務繁興自可實行無弊惟現在各省商民辦礦風氣尙未大開雖經竭力提倡或猶不免觀望疑沮本部體察情形似宜將現行礦章酌量變通略從寬簡俾商民不苦束縛得以一意經營復經奏請將新定礦章詳細查核如有可以變通與商民多資利益於公家並無妨損之處卽斟酌損益量予通融亦經奏准遵照在案所有原章內一切防閑限制諸條款宜如何變通改

訂已由本部咨商外務部分別詳核惟章程內應收租稅各款如礦界年租官地紅利出井稅則等項自新章施行以來各省多未能照章徵納而在定章以外者又多另有釐捐等項抽收之款或沿用本省舊章或仍從地方習慣以致名目紛歧而抽收多寡亦無從核較且多未詳細報部查核現在既擬改訂礦章自須調查各省現辦情形以備參酌改訂冀可一律照章實行除分咨各省查明聲覆外相應咨行貴撫希即轉飭該管各員查明本省徵收礦產稅捐各種辦法各項名目並與部章多寡差異之處逐細查核據實聲明報部以備彙總參考酌量改訂奏明辦理可也等因准此除分行外合亟札飭札到該局即便遵照會同布政司逐一查明據實詳候核咨毋違此札等因蒙此遵查本省舊設王封官礦局嗣以軍火均用洋藥停辦自光緒三十一年經職前商務局以私燒未能斷絕因集股本稟明 前商部並詳請前撫憲張批准立案請領開礦執照創設山西王封礦礦公司就陽曲縣屬王封山採礦鍊塊販售一切辦法悉遵 前商部章程出井稅值百抽七五繳歸財政司以資辦公又每觔抽用錢四文以爲職局委員巡勇運票等項之需此外並無別項釐捐名目計自三十一年四月開辦起截至三十四年年底止約共銷礦七十八萬二千一百七十五觔共抽收七五出井稅制錢四千零四十七千五百七十三文約計三年共得紅利銀三千兩已按章與股東分訖此職局創辦王封礦礦公司歷年遵照舊章辦理之實在情形也嗣於三十三年又奉 農工商部頒發新章其中改出井稅爲值百抽三另加礦界年租紅利分二成五歸公各節職局詳釋之下竊查礦界年租爲數無幾紅利歸公須銷數暢旺獲有餘利方可照分與公司無甚關碍出井稅照新章值百抽三則稅錢較舊章須少抽一倍有半與商民極爲體恤均易遵辦惟該公司試辦以來次年秋間即因直省限止外礦入境礦觔銷數頓減今春始能暢運現又重復限制此疆彼界朝令夕改於 國稅商本均極吃虧斷難始終緘默因是三年中尙無順暢銷過滿年之一年分一切仍難核決即亦無從更定此則未便改遵新章之實在情形也茲蒙前因理合將王封礦礦公司歷年辦法情形並開列銷礦收稅比較清摺具文詳請憲台察核其應如何改定或照舊辦理之處統候俯賜咨覆 農工商部核辦祇遵實爲公便等情據此擬合咨送爲此合咨 貴部請煩查照核辦施行

茲將王封官礦公司歷年比較數目開摺咨送查核 計開 光緒三十二年分閏四月二十六日開辦 共售礦

三十萬五千六百四十九觔 共收稅制錢一千六百二十四百四十六文 以上稅錢如照新章抽收僅合制錢六百四十千九百七十八文須少收制錢九百七十九千四百六十八文 三十三年分 共售磺三十一萬二千一百九十三觔半 共收稅制錢一千六百四十四千二百六十五文八釐七毫五絲 以上稅錢如照新章抽收僅合制錢六百五十七千七百六十六文須少收制錢九百八十六千五百六十文 八月二十七日因直省來咨停止運銷直境此後銷數頓減 三十四年分 共售磺十六萬三千三百三十三觔半 共收稅制錢七百八十二千八百六十二文 以上稅錢如照新章抽收僅合制錢三百一十三千一百四十五文須少收制錢四百六十九千七百一十七文

文告錄要

督憲批示錄要○第四鎮詳正軍械官彭桂川身弱多病請予長假由 批據詳正軍械官彭桂川身弱多病請予長假應卽照准繳

北洋陸軍第二四鎮糧餉總局會銜告示○爲出示曉諭事案照 奏定陸軍營制餉章募兵制略內開成營三個月後頭目兵丁分別餉銀多寡每月酌扣存餉由餉局按六個月一次派員會同原籍地方官牌示定期飭該家屬持據親領該委員當面發給於執據註明某年某次領訖字樣倘將執據遺失必於發餉前一二日由莊長人等向地方官及發餉委員報明緣由查明實係遺失再補發餉銀並補給執據等因查原定扣存目兵贍餉銀數章程正目每名每月扣存一兩五錢副目正副兵每名每月扣存一兩歷經本局遵照扣存按屆稟請派員散放在案茲查北洋陸軍第二四兩鎮目兵贍餉自光緒三十四年四月起至九月止第九屆又自三十四年十月起至宣統元年閏二月止第十屆扣存銀兩應卽一併散放除派員攜帶餉銀分赴直隸各目兵原籍會同該管地方官出示定期妥爲散放並詳報移行外合行出示曉諭爲此示仰各該兵家屬人等一體知悉俟該餉員到境散放務須親持執據赴餉母得冒充替代致有舛誤切切毋違特示

天津縣董事會公告○高中和等爲稟請償款修造學堂懇請撥留廟地以助經費說帖 議覆說帖閱悉廟基留作學堂蓋房之用自應照准惟留取土地一節似無庸議因鄉間取土不難不必再翻前案也此答○錢金鏞爲

聲明遵示收地拔秧以實民產並叩謝憲恩銷案事說帖 議覆候本會稟明關道憲應即銷案此答○孀婦楊氏爲請減房租說帖 議覆說帖閱悉應照本會覆查速爲交納地租此答○張文煥爲地界已蒙勘丈未蒙著明分清請傳集查驗契紙事說帖 議覆候約原中人到會詳詢再爲核議此答

電報錄要

路透電○西十一月二十三號倫敦覆電云西半球北大西洋內特泥類地方之火山刻尙噴火未息調查噴火山口共有四處接連噴出之溫石其塊極大者有一千三百尺之寬長附近三英里半之周圍皆有碎石飛落並附近之小溪內橫有八尺長之溫石鄰近山谷內之住戶異常惶恐云

又電○中國調查海軍大臣洵貝勒及薩軍門於西十一月二十三號在英京文德蘇宮蒙英皇賜宴並有亞韋氏(譯音)女皇同若韋落太斯國王均備有盛饗優待宴畢貝勒偕同各親王前往水師醫院並學堂各處參觀並調查海軍各砲廠云

柏林電○亞非利加洲韓呀瑞泥地方頭等公使於西十一月二十二號在羅馬公會聲稱路庸氏伯爵意欲於明年三月間辭職云

又電○前據訪員報告法國駐華提督寇魯布扣斯喀氏接到該國政府調往巴黎一事實係不確

東京電○本月十日午後三時十四分鐘關西地震如新居濱大分鹿兒島宮崎別子岡山德島廣島松山高知多度律四版島佐多岬熊本宮津佐賀以上各地方均震動然無甚損害其他福岡長崎地方及東京橫濱秋田各方面亦同時微有震動云

新政紀聞

政治

分派籌辦自治人員○奉天地方自治籌辦處爲札發事案照本處接管前諮議局籌辦處卷內呈送自治研究所學員畢業名册一案奉督撫憲批示如呈備案仰自治籌辦處查核照章分別派往各屬籌辦自治以規學識

等因奉此查此項畢業學員原係一百七十三名內除楊沛霖李秉孫二名因事被革書銘牟維新二名現充諮議局常住議員毋庸分派外其王化宜董之威二名查係候補常住議員經過會期例可回籍辦事仍一律照派實計此次派遣員數共一百六十九名統行指定各該員擔任區域開列分派名單惟洮南府業准豐申等稟請全府只設研究所一處其餘每屬各設一處均按照地方情形以定員數之多寡除各屬自治研究所辦事通則業經呈明督撫憲候批飭遵外合行先將分派名單札發札到即便遵照辦理切切特札 計札發分派名單一份節錄如下 (奉天府) 承德縣六人 撫順縣四人 本溪縣四人 遼陽州六人 遼中縣四人 鐵嶺縣四人 開原縣二人 復州二人 蓋平縣四人 海城縣五人 營口廳二人 法庫廳四人 (昌圖府) 昌圖府六人 同江廳二人 遼源州四人 奉化縣四人 懷德縣四人 康平縣四人 (新民府) 新民府六人 彰武縣四人 鎮安縣四人 (海龍府) 海龍府四人 東平縣四人 西豐縣四人 西安縣三人 柳河縣四人 (錦州府) 錦縣四人 錦西廳三人 盤山廳四人 廣寧縣四人 義州四人 寧遠州五人 綏中縣四人 (鳳凰廳) 鳳凰廳四人 岫岩州四人 安東縣四人 寬甸縣四人 莊河廳三人 (興京廳) 興京廳四人 通化縣三人 懷仁縣三人 輯安縣二人 臨江縣二人 洮南府三人

法政教員兼充諮議局員○蘇省法政學堂法律教習兼東文繙譯留日法政畢業生潘君承鏗日前被選為諮議局議員照章須辭去各事專就諮議局務無如蘇省諳習東文者甚少一時無人接替只得暫令潘君兩面兼顧幸甯蘇往來有火車尙稱便捷云

軍政

海軍譯材之整頓○海軍籌辦處現已決議仿照陸軍編譯局之例另設海軍編譯局纂譯關於海軍之各項書籍操典昨經該處各科長會議以海軍艦隊之機械及制度在各國皆另有名詞若任用普通譯員稍有悞會恐貽誤將來之軍事故非具有海軍學識者不能勝任現擬電令駐各國欽使舉精嫻各國文法兼具有海軍學識之人才保送該處以憑錄用云

組織講武堂測量局○湖北陸軍特別小學堂奉 陸軍部文裁撤並飭將將校講習所改辦講武堂其特別小學

騰出經費則改辦測量局當經陳制軍札飭該堂監督劉道邦驥議覆在案茲劉觀察以陸軍特別學堂原係已故閣督張文襄公所創辦今一旦裁撤未免前功盡棄擬請將武普通學堂內所設之將校講習所移至特別小學堂合辦改其名稱為講武堂實則各堂仍照舊上課是特別之名稱既裁而學生亦不至半途廢棄至測量局即就停辦之武普通學舍開辦其特別小學堂常年經費每歲十五萬例由善後局撥付今將茲款分作兩項以九萬辦講武堂以六萬辦測量局等情稟覆鄂督核示陳制軍當以該監督所擬辦法均屬妥善惟查部章裁撤學堂原因節減經費今所議用款仍照原數似欠妥協特批飭迅即會同北藩司督練三處暨善後局各司道酌量時勢體察情形切實裁減合議稟覆核辦

財政

會議整頓牛馬稅辦法○奉天諮議局於上月二十一日督撫兩院派來發佈意見委員陳君闡徐君秀鈞到局午後一時開議首議牛馬稅之整頓一案由法律審查會提出理由書分甲乙丙三款茲將其大略錄下 甲除民間偷漏之方法 一報告存查 二納稅限期 三嚴定賞罰 乙除各局卡偷漏之方法 一宣佈牛馬稅章程 二革去舞弊員書 三酌加薪水 四用四聯票 五予自治團體以便查核 六實行懲罰 丙公佈週知 又附論各局卡偷漏積弊有六 一過額征收 二票外偷漏 三票上偷漏 四巡差偷漏 五違章勒罰 六折扣積弊復由法律審查說明其要點次由四十一號提出懷仁補征之害每牲畜一頭索洋六角又由三十九號提出查圈之弊二十一號提出查圈之弊柳河縣現正實行當由議長質之行政委員據云業已禁絕時過二時略休息十五分鐘行政委員回署二時半搖鈴開議衆擬先將理由書通過俟牛馬稅章程調到再由法律審查會修改衆可決議繼續漁業之整頓一案當由三十六號歷陳漁業之弊復由二十三號演說漁業保護局之害惟因漁業章程未全而時已交六下鐘遂由議長報告俟章程調到時再交審查會詳參再行開會決議云

議覆加收田房契稅○甯藩樊方伯前接蘇藩來咨以奉撫札部定整頓田房契稅抵捕洋藥稅釐一案照章買契收九分典契收六分蘇省契稅向收三分本擬酌量加收彌補行政經費而議辦在後轉不若他省之請加在先

者同沾利益現議將監收之契稅照鹽斤加價例以一半解部留省撥用又收稅既重隱匿取巧之弊必更甚於前如何設法杜絕飭會同甯藩妥議庶甯蘇歸於一律樊方伯議謂部章酌加田房稅契取之有力之家與貧民生計無碍亟應遵章通飭實力奉行惟甯蘇雖隸一省近時辦法各省不同蘇屬向來祇收正稅三分並無別項加捐名目今奉改征九分六分因未加收於先致有仿照鹽斤加價請留一半之議甯屬則新案賠款及練餉錢文早已加捐在前連同正稅計有八分與蘇屬情形迥別細繹部章第十三條各省所已加之契稅係備撥要需者均在九分買稅六分典稅內分別撥還似應遵章准於屬征契稅內照數撥還庶賠款等項不致貽悞而學堂善舉亦可接濟至杜絕隱匿取巧則甯屬上年已定新章可以仿辦現已移知蘇藩詳覆蘇撫核奪矣

商務

開設古玩商會地址○北京古玩商會係設在前門外南蘆草園中間路南每日於拍賣古玩時門前有一警士爲之巡邏其派警巡邏之原因係日前正在院拍賣時有一孩童由街上拾磚石拋於院內擊碎古玩甚多故該會赴區稟准每次拍賣必請巡警爲之在門外巡邏藉資彈壓云

通州商會之新總理○江蘇通州商務總會具稟 商部稱通州商務分會總理顧士魁病故前經衆商公推姚寅標代理現經投票公舉仍以姚寅標得票最多稟請加札委用部中已准加札一件轉交祇領令將奉札日期報部備案云

實業

勸業獎進會陳列新品○湖北勸業獎進會日前有武昌務本工業女學校送來大樹一株名曰朱籐計經緯一方丈高六尺費七八兩個月功夫始行造成本擬於未開會以前即行送入該會陳列惟此樹製造甚難甫經告成故於上月十七日始行送入聞取價在二百元左右觀者莫不稱贊弗衰日本某記者謂此乃特別之生花樹也新製磚瓦機器發現○湖北留日工科卒業生劉篤烈新製造磚瓦機器稟請鄂督驗明咨部註冊專利業經陳制軍驗明製造精細價廉力省較火窰製造不啻天淵實與中國實業前途大有裨益惟所請咨部註冊專利之處其中有無妨碍應否照准特飭由勸業道詳查議覆核奪

原有之公費腳費正名為漕糧附捐一併提充若干成爲州縣公費 以盈餘充地方自治經費 一革除各衙署及委員書吏陋規公費皆列正銷爲確當之預算決算 一由諮議局比較米糧市價逐年公定漕價 一由諮議局按照銀元市價公定糧價 丁祖蔭提議 贊成者陶惟坻蔡璜金祖澤錢崇威費樹達劉永昌


一請移帶徵積穀爲地方自治教育經費改正名稱議案 帶徵積穀分撥興學前年由教育總會呈請 藩學憲會詳 督撫憲批准以五成積穀五成興學通行在案查積穀一項各州縣均有儲備而興學之附加稅以附隸帶徵積穀之名理亦未當現自治亟須籌辦學務尤爲首要擬呈請行政長官將舊時帶徵積穀改名爲自治教育經費以五成作自治經費五成作教育經費則小民不困重稅新政得資籌辦 金祖澤提議 贊成者方還費樹達丁祖蔭蔡璜陶惟坻劉永昌

一整理蘇屬學務議案 蘇省近年學務未見發達之原因一由於學務公所職員之未能實行盡職一由於各州縣官紳之未能遵章實行綜其大要厥有數端謹臚陳以備採擇 一請按照部章學務公所議長議紳按期實行會議由學使主席決議後即實行籌備以謀本省教育之進步 一選舉缺席之議長議紳以期得人而學衆望 一公所課長課員勿以一人兼任數課並裁汰例外所設之冗員 一裁汰省城官立各學堂冗員以節中央教育經費 一責成各學堂監督慎選教員勿以不講教育原理之人充任監督並應常川駐校 一嚴飭各州縣按照 學部籌備順序次第設立初等實業簡易識字學塾女學校蒙養院以立普及教育之基礎 一通飭各州縣確定教育經費將按年應行推廣之學堂實力統籌預備 一規定高中等以下各校教員薪金視學堂之大小教科之繁簡以定俸額而節浮費 一實行各學堂獎勵以堅社會之信從而勉學生之向學 一學務公牘請學使逕札州縣或勸學所勿由府中轉遞以期迅速而免誤公 丁祖蔭金祖澤提議 贊成者錢崇威費樹達陶惟坻蔡璜方還劉永昌

一清理淮北垣運議案 兩淮鹽課爲江北入款之大宗現在淮南缺引取濟於淮北而淮北之滯銷歷年增盛每年額銷四十六萬引每限期八個月額銷三十六萬引實銷二十九萬六千九百八十二引積年展限至十二個月今年四月初一爲十二個月奏報日期而所滯舊引尚有五十餘萬包又需展期三個月直以十五個月方能銷去二十九萬餘引商販日絀官課日虧江北累年水災土瘠民貧出產不旺一切軍食善舉新政諸大端前途

何堪設想謹將日前積滯之由條列如左 一濟南商人同德昌因淮南缺產於海州龍窩蕩舖磚圩四十條砂基八十餘面取名濟南歲可產鹽五六十萬引而產額既不報場官出運又渾無定數以不南不北不官不私之池間於三百九十八池之中而出鹽又由海運內河卡房林立官引猶夾帶私包濟南海運所經埭於吳淞等口隨地可以遁私即洋商溯迹其間亦無從稽核將來淮北全局受其影響且有牽及江浙兩省引岸者計惟稽其歲產之額定其歲出之常劃歸北場撥歸河運即北河春冬水淺難以運行而以後鐵路交通較洋面猶爲利便其內地之盤查易密不猶愈於海禁大開無以杜商私而完官課乎 一移舖現在淮北垣商以池老磚酥產鹽不旺稟請運庫借款擇滿氣濃厚之地舖池謂之移舖而新池日見其多舊池不見其少不旺並非不產場地多一廢池即灶戶多一私利今春產數除板中鹽三場額收引票額引江運引滁來全引建昌口岸引零鹽局引共五十八萬八千引外仍存三十餘萬引而濟南漕災濇去三百餘萬包及秋掃額收尚不在此數盈餘愈多岸銷愈滯何在非售私地也計惟新池既定額引舊池立予剷除使場無外額之池安有額外之私抑安有滯銷之引安有展期之課是在當事者一整頓而已 王化南莊其仁提議

一整頓淮安關卡議案 一專委府道各有專職兼總關務則府道任印委印委又任家丁層層朦蔽勢愈隔而難通惟仿上年委任穆道之例以歷年之比校專其責成而事得身親各口可按季清查以定其賞罰則苛索抑勒之弊無自生矣 一裁併地方多一局所地方多一開支經費不在官而在民民財空而官費奚出惟擇其最要之口(如清江口可稽其漏報落地草壩口可查其出口繞越其餘五口皆可歸併之類)委任明幹官吏厚薪俸以養其廉而附近無名各口一律歸併則事不煩而民不擾必設卡愈少而收稅愈多矣 王化南莊其仁提議 一實行反坐法議案 一不准越控 各級裁判所均未成立一時斷難指定何級官廳訴訟何等事件然不准越控乃舊例也嗣後各處訴訟須經本地方官裁判後方准上控違者先治以越控之罪 一預納保證金訟費原告輕被告重人人皆爭做原告怕做被告有此一爭一怕之原因故訟案多而誣控之風因之日熾嗣後須令原告預納保證金若干所控果實結案時將保證金退還如係誣控即按所納保證金之數加罰十倍留充公用或作被告人損害之賠償無力罰金者即治以相當之罪 王乃屏提議



中 和 殿 正 面 圖

心力交瘁

重慶有告退知縣曾患腦虧身弱之症數年之久氣體衰頹迄無良方以絕後患乃竟得韋廉士大醫生紅色補丸之功復其精力除其病源矣

湖南知縣魏君若罷官而歸居於重慶曾將其所親試之韋廉士大醫生紅色補丸之益函告如左云○西歷一千九百年北方拳匪倡亂時余在湖南常德郡曹任兼總辦警務差斯時匪勢甚熾因巡此防認真晝夜不寐積日既



寓渝辭職知縣 魏君若 詳述韋廉士大醫生紅色補丸之奇功

久腦筋大受虧損身體異常衰弱幾為不治之症後罷官督省遍嘗補腦補血各藥均無功效去秋因事赴漢寓漢皋客邸腦疾復發同寓有沈君者告以韋廉士大醫生紅色補丸為補血補腦中之聖藥余遂立意嘗試之即向中法大藥房購得一瓶依法試服繼及一月後則腦疾頓愈矣冬間回渝人見余疾全消皆為詫異余告之故莫不皆讚是丸之神奇咸稱是丸誠能使人有延年益壽之功也余因親受此丸之益特書寸箋鳴謝並略誌其事廣告同胞以證紅色補丸為天下著名湖南知縣江右魏芳拜贈韋廉士大醫生紅色補丸為天下著名

益特書寸箋鳴謝並略誌其事廣告同胞以證紅色補丸為天下著名

補血補腦之聖藥屈指二十年來業經醫治無數之人所患血薄氣衰諸虛百損頭痛頭暈背骨疼痛風溼骨痛腎虧痠痛肝經各病頭筋衰弱少年斲喪陽萎不舉胃不消化

胸膈漲痛 左癱右換 跳舞瘋病 腳氣衝心 瘡疥疔疹 山林瘴氣 以及操勞過度等症又曾醫治婦女經水不調一切諸患均有絕大效驗中外皆知洵為女界中著名之聖藥也 韋廉士大醫生紅色補丸中國各處商店藥局凡經售西藥之處均有出售或直向上海九江路B字第八號韋廉士大醫生藥局中國總發行處購買亦可價銀每六瓶大洋八元每一瓶大洋一元五角 遠近郵費一律不取

上海九江路B字第八號韋廉士大醫生藥局啟

請看開平塊煤大減價廣告

刻值隆冬本公司特備一種煙小火湧之塊煤專供津郡各學堂局所公館以及各租界商家燃爐煮飯應用每噸零整定價大洋八元現任老龍頭辛莊均設立分廠儲有此煤以備光顧就近相購者極便若弗自取請賞一音本公司自備有安實車脚代能送去其脚力品之路途遠近現議較自僱必格外公道其各種焦炭末煤價亦從廉恐未週知特報官聞 電話一千二百九十三號 河東糧店街廣昌公司謹白

商務印書館出版各書上海總發行所分館發售

欽定大清會典事例全書 版式大小謹遵 商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版 陽湖孟森校訂無錫蔡文森侯官王我臧輯譯 是書自日本開國會始至今年止凡二十五期 其初蒐無故事朝野皆奉一憲政爲準繩爲國 爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前二册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話五百二十六號

新 啟
告廣司公限有灰洋



啓者本公司係承受唐山洋灰公司老廠另購外洋最新式機器旋鑿等創設
新廠自丁未臘月新廠開機以來出貨加增行銷愈廣灰質經本廠西洋化驗
師悉心研究精益求精曾寄由德國國家柏林及日本關東都督府各化驗所
驗得動力堅力及凝結時刻灰之粗細均合要工所用其成色與外洋最高之
貨相等尚有機器製造之缸磚花磚洋灰瓦水溝管矸子土等項無論躉零交
易均可本公司總理處設在天津海大道英租界並在天津奉天大連烟台牛
莊青島上海漢口南京鎮江各埠均設有經售處如蒙 賜訂大批價值從廉
交貨不悞期限所有洋灰及各種磚瓦等件重量式樣大概用法另刊有華洋
文廣告 光顧諸君請向本公司索閱面議一切可也
德律風一千三百零九號

利 文 洋 行

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行主人啓

本行開設天津上海香港志呢華海參巖等處均設有年諸班貨物由外洋本機器廠自造磁
鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝檯洋鏡
蘭洋鐘皮套鏡天文坐卦等鐘以及金銀夾金銅鋼等表約有二百餘宗並各樣表練金鑲珠寶

瑞林祥元記
綢緞洋貨莊

本號開設北京前門外鮮魚口天津估依街中間路北山東濟南府院西路北自雷綢
緞紗羅縐繡桃蟒洋貨布疋各色喇嗒厚呢京廣什貨俱全高價廉劃一不二後廳內專售
線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸
瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額
磁鋼料器珠藍 奇巧美術玩器 學界文房用品 旋行携帶等件 精工變身物料
定織各色席氈 現又擴充樓房 極其寬闊高大 如蒙官商光顧 價值格外從廉
本行隨便入覽 電話一千三百七十四號 天津法租界 武齋洋行謹啓

督署兩等小學招生廣告

一宗旨 以合教官紳士民子弟為主不分省界

二地址 在督署後天緯路北

三學級 本校分高等初等兩級

四課程 高等 講經 歷史 國文 地理

格致 算術 手工 音樂 英語 體操 第三年第二初等 讀經 國文 算術 音樂 團畫

學期酌添 農業 商業 工業 為隨意科 任各學生認學一科 體操 第二年第一學期添歷史地理

五年齡

高等以十四歲以下十一歲以上為合格

初等以八歲以上十一歲以下為合格

六學費 免收

七膳費 由本堂備午膳不收費 不在堂內用膳者聽

八書籍操衣

費均自備

九資格 高等以能作短文為合格 初等以能識字能寫字為合格

十卒業 高等初等均 以四年卒業

十一獎勵均遵

部章

高等生卒業最優等得獎學生優等獎增生中等獎附生 初等由 督帥及 提學司考試分數合格由本校發給卒業文憑准其升學

十二報名 由學生父兄偕同妥實保證 人至天緯路北本校報名聽

俟傳考惟本人父兄不得作保證人

督署兩等女學招生廣告

一宗旨 以合教官紳士民女子為主不分省界

二地址 在督署內後花園

三學級 本校分高等初等兩級

四課程 高等 講經 歷史 國文 地理

格致 算術 圖畫 女紅 讀經 國文 算術 音樂 女紅 圖

紅 音樂 英語 體操 初等 畫 體操 第三年第一學期添歷史地理

五年齡 高等以十四歲以下十一歲以

上十一歲以

下為合格

六學費 免收

七膳費 由本堂備午膳不收費 不在堂內用膳者聽

八書籍操衣費 均自備

九資格 高等以

文為合格初等以能識字能寫字為合格

十卒業 高等初等均 以四年卒業

十一報名 由學生父兄偕同妥實保人至天緯路本校報名聽

候傳考惟本人父兄不得作保證人

本局印售各種書籍圖畫目錄

澄衷學堂字課圖說
 天文歌略
 地球韻言
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學筆算教科書
 初等小學筆算教科書教授法
 忠經
 英文舉隅
 東文典問答
 地文學問答
 皇朝政治學問答增校初二編
 節本泰西新史攬要
 筆算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八木洋二元
 一本洋三分
 一本洋一角五分
 二木洋二角五分
 一本洋一角五分
 一本洋四分
 二木洋三角二分
 二木洋一元
 二木洋一元五角
 二木洋四角
 合售洋三角六分
 一本邊粉紙洋六分
 一本洋二角五分
 一本洋二角五分
 二木洋二角五分
 二木洋五角
 二木洋五角
 二木邊粉紙洋四角五分
 二木邊粉紙洋四角五分
 二木邊粉紙洋四角五分
 二木洋一元二角
 二木洋四角
 二木邊粉紙洋七角五分
 一本洋四角
 二木洋二角五分
 一本邊粉紙洋四角五分
 一本邊粉紙洋三角五分
 一本邊粉紙洋一角五分
 四木洋六角

植物學教科書
 皇朝政典舉要
 萬國憲法比較一本
 法學通論
 萬國通商史
 新爾雅
 康熙幾暇格物編
 周禮政要
 明夷待訪錄
 普通教科書目提要
 科學書目提要初編
 心算教授法
 萬國公法提要
 甲辰年學報彙編一百種
 乙巳年學報彙編
 丙午年學報彙編
 丁未年學報彙編
 農學新書三十五種
 日本栽桑法
 美國養雞法
 務農述聞
 畿輔輿地全圖
 御製耕織圖
 朝鮮輿地全圖
 地球開闢次序圖
 平圖地球圖
 東三省鐵路全圖

一本邊粉紙洋二角五分
 四木洋五角
 一本邊粉紙洋三角五分
 一本洋七角
 一本洋二角
 二木洋三角五分
 二木洋四角
 二木洋六角
 一本洋二角
 一本洋五分
 一本洋一角五分
 一本邊粉紙洋三角五分
 四木洋一元
 五十木洋二元七角
 四十木洋四元二角
 廿四木洋四元八角
 卅二木洋五元六角
 一本洋一角二分
 一本洋四角
 一本洋三角六分
 六扇屏洋二元
 二册洋五角
 一張洋一角
 一册洋一元
 三十二張洋一元
 一張洋八角

七年官報

第二千二百六十四册

告白

本

局

廣

告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

預 告

本報繙譯路透電報錄要一門偷值詞意兩歧或偶有訛誤之處閱報諸君如有匡謬當隨時更正特此佈達

本報繙譯處謹白

謹將第二次甘賑匯款覆電廣告

九月二十二日午刻接甘肅毛碩君方伯慶蕃覆電天津三才里丁春兄鑒賑款蘭平足六千五百兩已收到敬謝蕃皓印按前項賑款內係京都恆裕金店籌賑匯來京平銀三千兩天津官報局籌賑處公砵平銀三千五百兩分交蔚豐厚協同慶兩莊於九月初十日由津電匯甘肅今得覆電特此登告

再查甘賑已無須接濟同人公商擬即停止所有已經書捐及未書捐捐冊務望於十月初十日以前一律交回以便照刊徵信錄

天津官報局甘肅籌賑處謹啓

京奉鐵路局廣告

啓者查北直貧民每歲赴東省一帶充當小工往返之時每以火車票價有定日無力搭乘是以本局格外體恤減收票價歷辦在案茲值該小工等旋里之時本局訂自九月十九日起每日夜間照常開車一次裝載此等小工由瀋陽新民屯至天津或至塘沽軍糧城每人減收票價洋四元又由營口至津沽軍糧城每人收票價洋三元以示體恤倘有客商混跡其間定即查拏究辦該小工等每人祇許隨帶小包行李一件不得夾帶私貨除知照鐵路巡警隨時稽查外特此佈告

天津南開私立第一中學堂招考新班學生

考期一在本年十二月初六日上午一在明年正月十八日下午